



Broj: UP08-07-1-422/09
Sarajevo, 14.09.2009.godine

Ministarstvo pravde Bosne i Hercegovine, rješavajući Zaijev UDRUŽENJA NEUROHIRURGA U BOSNI I HERCEGOVINI, sa sjedištem u Sarajevu, ulica Bolnička broj 25, zastupano po punomoćniku Alečković Kemal, advokatu iz Sarajeva, u predmetu, upis u Registar udruženja, na osnovu člana 8. i 33. Zakona o udruženjima i fondacijama Bosne i Hercegovine ("Službeni glasnik BiH", br. 32/01, 42/03 i 63/08), donosi

RJEŠENJE

1. U Registar udruženja kod Ministarstva pravde Bosne i Hercegovine upisuje se Udruženje pod nazivom:

UDRUŽENJE NEUROHIRURGA U BOSNI I HERCEGOVINI
УДРУЖЕЊЕ НЕУРОХИРУРГА У БОСНИ И ХЕРЦЕГОВИНИ
UDRUGA NEUROKIRURGA U BOSNI I HERCEGOVINI

Sjedište Udruženja je: Sarajevo, ulica Bolnička broj 25.

2. Upis je izvršen pod registarskim brojem 867 knjiga I Registra sa danom 14.09.2009. godine.
3. Danom upisa u Registar udruženja kod Ministarstva pravde Bosne i Hercegovine, Udruženje stiče svojstvo pravnog lica i ima slobodu djelovanja na cijelom području Bosne i Hercegovine isključivo pod registrovanim nazivom.
4. Ciljevi i djelatnosti udruženja su: vodi registar svojih članova, pomaže u zaštiti prava i ugleda svojih članova, prati i nadzire provođenje pravila-kodeks medicinske etike i deontologije i predlaže odgovarajuće mjere u slučaju njegovog kršenja, organizira strukovna usavršavanja iz oblasti neurohirurgije, organizira stručne sastanke, simpozije, kongrese iz oblasti neurohirurgije, ostvaruje razmjenu iskustava i informacija sa drugim neurohirurškim asocijacijama i udruženjima u zemlji i inostranstvu, sudjeluje u oblikovanju programa specijalizantskog staža i postdiplomskog neurohirurškoga usavršavanja, planira, prati, nadgleda sekundarijat specijalizacije i druge oblike neurohirškoga usavršavanja, prati i preporučuje uslove stručnoga usavršavanja za proširenje djelatnosti, inicira i predlaže ministarstvima, ljekarskim/liječničkim komorama i medicinskim ustanovama članove komisija za specijalističke ispite, prati i preporučuje sadržaj i rokove provjere stručnosti neurohirurga, vodi brigu i evidenciju o ljekarima koji su profesionalno izloženi riziku oštećenja zdravlja, podstiče kolegijalnu saradnju među članovima Udruženja, inicira, prati i sudjeluje u izradi standarda i normativa neurohirurških usluga, inicira i predlaže organiziranja mreže neurohiruške djelatnosti, obezbjeđuje trajnu materijalnu i finansijsku samostalnost Udruženja kroz marketinške aktivnosti, izdavačke djelatnosti i organiziranje stručnih predavanja i seminara i sl., za potrebe članstva na način predviđen Zakonom, inicira i podržava razmjenu iskustava i informacija sa univerzitetskim medicinskim centrima i udruženjima, drugim udruženjima i pravnim licima u zemlji i inostranstvu, obavlja i druge poslove i zadatke koji proističu iz programa i planova rada Udruženja.

5. Lice ovlašteno za zastupanje i predstavljanje Udruženja je:

- Predsjednik Udruženja, doc. dr. Naim Kadić, JMBG: 1903940172652, Sarajevo, Trg Merhemića broj 5.

6. U slučaju nastupanja promjena činjenica koje su upisane u Registar, Udruženje je dužno u skladu sa članom 43. stav 1. Zakona o udruženjima i fondacijama Bosne i Hercegovine podnijeti ovom Ministarstvu zahtjev za izmjenu i dopunu registracije, u roku od 30 dana od dana izvršene promjene.

7. Ovo Rješenje će se objaviti u „Službenom glasniku BiH“.

O b r a z l o ž e n j e

UDRUŽENJE NEUROHIRURGA U BOSNI I HERCEGOVINI, sa sjedištem u Sarajevu, ulica Bolnička broj 25, je dana 20.03.2009. godine podnijelo zahtjev za upis u Registar udruženja kod Ministarstva pravde Bosne i Hercegovine.

U toku postupka registracije, Ministarstvo je utvrdilo da zahtjev nije potpun, te da sadrži nedostatke i nepravilnosti zbog kojih nije moguće izvršiti registraciju. Ministarstvo je podneskom broj: UP08-07-1-442/09 od 14.04.2009. godine zatražilo ispravku i dopunu zahtjeva.

Nakon otklanjanja nedostataka, Udruženje je uz zahtjev priložilo sljedeću dokumentaciju: Odluku o osnivanju Udruženja, broj: 02/08 od 07.07.2008. godine sa potpisom svih osnivača, Statut Udruženja neurohirurga-neurokirurga u Bosni i Hercegovini, broj: 01/08 od 07.07.2008. godine, Odluku o imenovanju lica ovlaštenog za predstavljanje i zastupanje u pravnom prometu Udruženja, broj: 03/2008 od 07.07.2008. godine, ovjeren potpis lica ovlaštenog za zastupanje i predstavljanje i ovjerena fotokopija lične karte, Odluku o imenovanju članova Upravnog odbora, broj: 04/2008 od 07.07.2008. godine, Odluku o imenovanju Predsjednika Skupštine Udruženja, broj: 06/2008 od 07.07.2008. godine, Odluku o imenovanju Predsjednika Udruženja, broj: 05/2008 od 07.07.2008. godine, Odluku o imenovanju članova Nadzornog odbora, broj: 07/2008 od 07.07.2008. godine, podaci o strukturi kapitala udruženja i ovjerene fotokopije ličnih karata osnivača.

Na osnovu činjenica utvrđenih u postupku, proizilazi da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija ("Službeni glasnik BiH", broj: 9/02) za upis UDRUŽENJA NEUROHIRURGA U BOSNI I HERCEGOVINI, u Registar udruženja kod Ministarstva pravde BiH, pa je doneseno Rješenje kao u dispozitivu.

Na ovo rješenje naplaćena je administrativna taksa u iznosu od 50,00 KM u skladu sa članom 29. stav a. navedenog Pravilnika.

Pouka o pravnom lijeku:

Protiv ovog rješenja može se uložiti žalba Komisiji za žalbe u roku od 15 dana od dana prijema. Žalba se podnosi, u tri primjerka, putem, ovog Ministarstva.

Dostavljeno:

- Udruženju po punomoćniku Alečković Kemal, 71 000 Sarajevo, ulica Branilaca Sarajeva broj 21;
- Zbirka isprava;
- «Službeni glasnik BiH».

